

Abuelo a comete acto sexual cu nieto na dos ocasion den 11 año

SIMAN pasa Corte den Prome Instancia a trata un caso serio pero na mes momento complica caminda un homber grandi y scapa di 71 año mester a duna cuenta di acusacion serio di abuso sexual contra di su propio “nieto.”

Algo increibel ora cu analisa henter e caso aki, ya cu den bida di tur hende, ta net famia, hendenan di mesun sanger, ta esunnan prome yama pa proteha y defende sin duda esunnan mas debil, esunnan mas chikito den e famia. Den e caso aki, ta bin resulta c’un nieto a dicidi di entrega keho contra di su propio abuelo cu dia 2 di Juni di 2024, lo a abusado di e victima pero no ta cuestion di algo singular pero e abusado aki 11 año pasa caba, a haci mesun actonan aki cu e mesun nieto aki ora cu e tabata un criatura inocente.

A bin resulta cu pa e prome violacion aki cu a tuma luga na 2013, Corte den Prome Instancia a bin haya e acusado aki culpabel y el a ricibi un castigo di prizon di 2 año y awor 11 año despues e mesun homber aki tabatin e pudor di bolbe comete actonan sexual un biaha mas di su propio nieto. Dado momento a surgi un momento hopi emocional ora cu e victima hoben a ser permiti pa dirigi su mes na Hues riba su experiencia y tur loke al a ser someti na dje, ya cu el a entrega un demanda pa daño emocional contra di su abuelo, exigiendo un suma di 50 mil florin.

Pa loke ta e acusado Y di 71 año, el a sigui nenga di ta culpabel di e acusacionnan cu a wordo formula contra di su persona ya cu e ta insisti cu e no a mishi cu su nieto y cu e no a comete ningun acto sexual. E anochi di 2 di juni di 20214 el a yega cas y a dado momento a mostra cu e tabata bebi y cu el a bay for di tino y no sa mes kico a pasa pero e acusacion ta mostra cu dado momento su nieto a spierta y a bin haya su abuelo riba dje drumi, su carson baha loke a yena su curpa cu rabia.

E hoben a declara cu el a pasa man pa un bate di aluminium y a cuminsa maltrata su abuelo cu esaki ya cu ta di dos bes cu e ta comete e abuso aki y e acusado Y. a keda deteni despues cu e hoben a entrega keho na autoridadnan. E acusado kende expertonan a conclui cu e tin tendencia di un pedofiel, a purba na crea un situacion caminda su persona ta e victima ya cu e ta insisti cu e no a haci algo malo cu su nieto pero realidad di e caso

ta, cu ta di dos ocasion cu e ta comete e abuso aki contra di su propio nieto. Fiscal a mostra cu tin suficiente prueba concreto cu el a comete abuso sexual contra di e hoben y expertonan a conclui cu a pesar cu e acusado a trata tur loke e tabata por pa presenta un otro perfil di su persona, a ser conclui cu e posibilidad ta existi cu acusado Y. lo por bolbe comete e tipo di acto aki den futuro.

E victima a hiba un disertacion hopi emocionante, mustrandocu con hopi e dos incidentenan aki a afecta su persona mientras cu su mama para banda di dje durante e momento aki, tambe a yora den forma inconsolabel. Fiscal a pidi Hues pa impone un castigo di 18 luna di prizon di cual 6 luna ta condicional cu tempo di prueba di tres año y cu durante di e periodo aki, acusado Y. tin cu pone su mes bou supervision di Reclassering.

Hues a delibera mesora riba e caso aki y a sentencia e acusado segun e demanda di Ministerio Publico loke ta nifica cu Y. lo regresa KIA mesora. Un punto cu a hala atencion durante tratamiento di e caso aki, ta e hecho cu siendo e abuelo aki a wordo condena na 2 año di prizon na 2013, el a bolbe haya e posibilidad di ta den mesun camber atrobe cu su nieto.



Controla si bo a ricibi bo tarheta den post.

Nos a finalisa e transicion di nos tarheta Bankomatiko/Maestro pa nos tarheta di debito nobo Bankomatiko+ y tur tarheta a wordo manda via post pa tur cliente na e adres registra den nos sistema. Tur cliente lo mester a ricibi nan tarheta nobo di Bankomatiko prome cu aña a cera.

Corda controla bo post pa e envelop blauw. Tur instrucion di uso y activacion ta den e envelop.

Si bo no a ricibi bo tarheta Bankomatiko nobo, por favor tuma contacto cu nos via Live Chat di eAmigo sea via Whatsapp of nos website.

Na momento cu bo ricibi bo tarheta, corda activa esaki mesora. Bo por activa bo tarheta nobo di Bankomatiko solamente cu un transaccion cu ta rekeri uso di bo PIN.

Esaki por ta sea na un Bankomatiko machine of na cualkier ATM of na un terminal di pago. Sigui nos pagina di Facebook CMB pa mas informacion.

Entrante 1 di februari 2025 e tarheta Bankomatiko/Maestro lo NO ta activo mas.

BANKOMATIKO+
...mas di e miho!

CMB
CARIBBEAN MERCANTILE BANK